



MOHD BAKIR BIN BAHAROM

LATAR BELAKANG

Mohd Bakir adalah pensyarah Fakulti Seni Halus dan berkelulusan Ijazah Sarjana di dalam bidang seni halus dan teknologi di Universiti Teknologi MARA (UiTM) di Shah Alam. Beliau juga aktif dalam program kesenian dan berpameran di dalam dan luar negara seperti di China, Jepun, Singapura, Indonesia dan Negara serantau Asia Tenggara. Penglibatan beliau dalam bidang akademik bermula pada tahun 2009 sebagai tenaga pengajar separuh masa di Fakulti Rekaan Komunikasi Visual dan Fakulti animasi dan Multimedia ASWARA. Bakir sentiasa mengadakan aktiviti dan praktis seni di studio seperti di Taman Rekreasi, kawasan bandar, Galeri Seni serta lokasi – lokasi yang menarik di sekitar Lembah Klang bagi mendedahkan pelajar kepada persekitaran untuk menjana idea dan pengetahuan baru.

PENCAPAIAN

Beliau telah merangkul beberapa kejayaan di dalam pertandingan seni visual Malaysia dan program residensi. Antaranya adalah Anugerah utama Festival Seni Pulau Pinang (2003), Pemenang Hadiah Utama *Nokia Art Awards* (2005), Program Residensi Gudang (2006), pemenang Anugerah Seni MEA (2009), Program Residensi IMCAS (2009), Pemenang Anugerah Bakat Muda Selangor (2011), Program Residensi Ruang 16 (2012/2013) dan Anugerah Sarjana Cemerlang Universiti Teknologi MARA Shah Alam (2014). Bakir juga pernah berkhidmat sebagai artisan kepada beberapa pelukis ternama di Malaysia seperti Yusof Ghani, Juhari Said, Hamir Soib, Suzlee Ibrahim, Jalaini Abu Hassan, Fauzul Yusri,

Mohd Fairus Paisan, Husin Hourmain Shooshie Sulaiman, dan Jamil Zakaria. Pada masa yang sama, Beliau terlibat sebagai pelukis latar dan pembuatan set teater. Selain itu, beliau menyertai projek produksi CEDOCU-Dokumentari Kebudayaan Malaysia, komuniti seni *Malaysian Artist Intention Experiment (MAIX)*.

Selain bergiat sebagai tenaga pengajar dan pelukis, Bakir banyak melibatkan diri di dalam aktiviti bengkel seni visual serta projek antara Universiti / Kolej dan pelajar sekolah, antaranya adalah bengkel melukis kanak - kanak, bengkel asas cetakan, bengkel lukisan, bengkel cat air, lukisan batik, projek mural dan graffiti. Projek komuniti seperti bengkel seni kreatif bersama rumah anak yatim dan anak kurang upaya, bengkel seni bersama guru sekolah, projek seni awam, projek pembangunan kreatif dan beberapa projek komuniti sekitar lembah klang. Organisasi dan institusi yang terlibat dengan projek – projek seni adalah Fakulti Seni Lukis dan Seni Reka (UiTM), Universiti Selangor, New Era University College, Management and Science University, UNIMAS, Institut Latihan MARA Jawi Pulau Pinang, Pusat Kebudayaan UKM, MRSM, Galeri Shah Alam, Majlis Perbandaran Klang, YHKM, sekolah menengah FELDA Linggiu, Galeri Seni visual Kebangsaan, Perbadanan Putrajaya dan komuniti batu 11 Cheras.